

(a) Lettres qui confirment l'Exemption d'Impôts dans de certains lieux, accordée aux habitants de Verneuil en Normandie.

CHARLES  
VI.  
à Paris, en  
May 1385.

**K**AROLUS Dei gracia Francorum Rex. Notum facimus universis tam presentibus quam futuris, Nos Litteras carissimi Domini & Progenitoris nostri, vidisse; formam que sequitur, continentes.

(b) **K**AROLUS, &c.

Quas quidem Litteras supra scriptas, ac omnia & singula in eis contenta, ratas habentes & gratas, eas & ea, in quantum de eis dicti Burgenses debite usi sunt hactenus & utuntur, volumus, laudamus, approbamus, ratificamus, & ex auctoritate Regia, specialique gracia, per Presentes confirmamus: Nostro in aliis, & alieno in omnibus jure salvo. Et ut perpetue stabilitatis robur obtineat, nostrum Presentibus fecimus apponi Sigillum. Datum Paris. mense Maii, anno Domini millesimo ccc.<sup>mo</sup> octogesimo quinto, & Regni nostri quinto.

In Requisitione Hospicii. R. LE FEVRE. ORGEMONT.

NOTES.

(a) Tresor des Chartres, Registre 126. Piece XI<sup>221</sup>. [221.]

(b) *Karolus, &c.* Ces Lettres qui sont du

mois de Juin 1372. sont imprimées dans le 5.<sup>e</sup> Vol. de ce Rec. p. 488.

Le Registre 126. confirme toutes les corrections que l'on a faites à la marge de ce 5.<sup>e</sup> Volume.

(a) Mandement qui porte qu'il sera fabriqué des Deniers d'Or fin appellez Escus à la Couronne, & qui fixe le prix de l'Or.

CHARLES  
VI.  
à Paris, le 8.  
de Juin 1385.

**C**HARLES par la grace de Dieu Roy de France. A noz amez & feaulx Treforiers & Generaux-Maistres de noz Monnoyes: Salut & dilection. Comme à present Nous ayons à faire & supporter très-grans & innumerables<sup>a</sup> nuisés, tant pour le fait de noz guerres comme autrement; & pour ce ayons requis nostre amé & feal<sup>b</sup> Connestable qu'il Nous face prest de certaine grant somme d'Argent, lequel Nous a accordé gracieusement ce que requis luy avons; & parmy ce toutes voës que pour ce qu'il n'a mye à present en comptant de quoy il Nous puist faire ledit prest, si comme il dit, Nous lui avons accordé qu'il puisse meestre presentement en nostre Monnoye de Paris, la somme de six cens Mars d'Or. Si vous mandons & à chacun de vous, que les vi.<sup>e</sup> cens Mars d'Or dessusdits vous faictes recevoir par le Maistre-Particulier de nostre Monnoye, & iceulx ouvrer & monnoyer en Deniers d'Or fin, appellez Escus à la Couronne, que Nous avons n'agueres ordonnez estre faictz pour xviii. Sols Paris la Piece, de lx. de poix au Marc de Paris; & de l'ouvrage & monnoyaige qui en sera fait, soit payé tantost & hastivement à nostredit Connestable ou à son certain commandement, lxvii. Livres x. Sols pour chacun Marc d'Or fin, rabatu l'ouvrage du Maistre-Particulier d'icelle Monnoye; & par rapportant ces Presentes, ou *Vidimus* d'icelles collacionné par nostre Chambre de Comptes, avec certification des Gardes, duduit Or livré, & <sup>c</sup> reconnoissance de nostredit Connestable de ce que payé luy en aura, Nous mandons à noz amez & feaulx Gens de noz Comptes à Paris, qu'ilz recoivent & passent le Compte des vi.<sup>e</sup> Mars d'Or dessusdits, par la forme & maniere que dit est. Car ainsi le voulons Nous, & l'avons oestroyé & oestroyons à nostredit Connestable de grace especial; nonobstant Ordonnances, Mandemens ou

<sup>a</sup> dépenses.

<sup>b</sup> Olivier de Clifton, sur lequel voyez l'*Hist. Geneal. de la Maison de Fr.* Tom. 6. p. 201. <sup>c</sup> moyennant.

<sup>d</sup> quittances.

NOTE.

(a) Registre E. de la Cour des Monnoyes de Paris, folio 51. recto.

Tome VII.

Avant ces Lettres, il y a: *Mandement pour ouvrer en la Monnoye de Paris, vi.<sup>e</sup> Mars d'Or, pour le Connestable.*

. Q ij

desseuses à ce contraires. *Donné à Paris, le VIII.<sup>e</sup> jour de Juin, l'an de grace mil III.<sup>e</sup> IIII.<sup>e</sup> & cinq & le quint de nostre Regne.* Ainsi signé. Par le Roy, à la relacion de Monsieur le Duc de Bourgogne. J. GEHE.

CHARLES

VI.

au Bois de Vincennes, en  
Juin 1385.

(a) *Exemption de Prises pour les habitans de la Ville de S.<sup>t</sup> Leger, auprès de S.<sup>t</sup> Denys.*

CHARLES, &c. Savoir faisons à touz présens & avenir, Nous avoir receu l'umblé supplicacion des habitans de la Ville & Parroisse de (b) *Saint Ligier* les *Saint Denis en France*, à présent ou nombre de dix Feux, ou environ; contenant comme ilz soient touz laboureurs de bras, & n'y a entre culz ainsi comme nulz ou très-petit en nombre, qui de présent aient en grant pover <sup>a</sup> aucune existence ou chevance; ayent aussi esté ou temps passé & encores soient moult grevez de Tailles, <sup>b</sup> Fouages, & autres noz Aides & Subvencions paier, & autrement, par le fait & occasion de noz guerres, & <sup>c</sup> les Gens d'Armes passans, sejourrans, retournans par le pays, pilliez & grandement dommaginez; tellement que bonnement ilz ne pourroyent sanz estre du tout <sup>d</sup> défers & fuytifs du pais, dorenavans supporter ne souffrir aucunement les Prises de leurs voitures, blez, vins, <sup>e</sup> roisins, foings, <sup>f</sup> feurres, orges, avoines, seigles, poix, fèves, buches, fagos, Buefs, Moutons, Pourceaux, Cochons, Lappereaux, <sup>g</sup> Conins, Œufs, Oysons, <sup>h</sup> Gelines, Poucins, Chappons, & quelconques autres Voillaile, tables, treteaux, <sup>i</sup> fourmes, selles, <sup>k</sup> costes, <sup>l</sup> coiffins, couvertures, draps, linges, chevaux, charrettes, & autres choses nécessaires, qui se font chacun jour sur culz en ladicte Ville, pour la provision, garnison & despence des Hostelz de Nous & de nostre très-cher & très-amé Frere le *Comte de m Valois*, nostre très-chiere & très-amée Suer *Katherine*, noz très-chers & très-amez Oncles les *Ducs de Berry*, de *Bourgogne* & de *Bourbon*, & autres plusieurs de nostre Sanc & Lignage, nostre Connestable, noz Mareschaux, & plusieurs autres noz Officiers; & pour ce, soient lesdiz supplians n'agaires <sup>m</sup> traiz pardevers noz amez & féaulx Conseillers les Maistres de nostre Hostel, en leur requerant humblement que attendu & considéré leur petit estat & chevance, & les grans griefs, extorcions & dommaiges qu'ilz ont souffert & souffrent de jour en jour, comme dit est, ilz puissent demourer & estre dorenavant exemps, frans & quittes à tousjours, desdictes *Prises*, moyennant aucune gracieuse Composition qu'ilz Nous seront tenuz & leurs successeurs, faire chascun an, à nostre bon plaisir & Ordenance; lesquelz noz Conseillers & Maistres de nostredit Hostel, inclinans à leur supplicacion & Requeste, pour le cler & évident proffit & utilité d'icellui nostre Hostel, & aussi pour <sup>n</sup> relever lesdiz supplians de plusieurs molestacions, griefs & oppressions qui faiz leur estoient soubz ombre & couleur desdictes *Prises*, ont yeult supplians receuz, s'il Nous paist, à ceste Composition; c'est assavoir, que <sup>o</sup> parmi ce que les dessusdiz habitans de ladicte Ville & Parroisse de *Saint Ligier*, leurs enfans & successeurs demourans en yeulle, sont & seront tenuz dorenavant, tant conjointement comme divisément, & un chascun d'eulz par soy & pour le tout, ainsi que mieulx pourra estre fait pour Nous & à nostre proffit, rendre, faire charier & conduire, <sup>p</sup> baillier & livrer en nostre Palays <sup>q</sup> Roy à *Paris*, à leurs propres coux & despens, à la Feste de Toussains, ou dedens les Oétaves d'icelle Feste, chascun an, trois charetées de feurres bonnes & souffisantes, ilz seront dorenavant franz, exemps & quictes desdictes *Prises* à tousjours perpétuellement; laquelle Composition ainsi faicte par noz diz Conseillers, ayans agréable, Nous voulons, louons, consentons, ratiffions & approuvons de nostre grace espécial, plaine puissance & auctorité Royal, par la teneur

NOTES.

(a) Tref. des Chart. Regist. 127. P. 74.  
(b) *Saint Ligier.* J'ay appris de M.<sup>r</sup> l'Abbé

*Le Beuf*, que le Village de *Saint Leger* qui estoit situé auprès de *S.<sup>t</sup> Denys* du costé de *Steins*, sur la rive droite de la petite riviere de *Croulds*, ne subsiste plus.